

CYNGOR SIR YNYS MON / ISLE OF ANGLESEY COUNTY COUNCIL	
PWYLLGOR:	Pwyllgor Safonau
DYDDIAD:	15 Rhagfyr 2021
TEITL YR ADRODDIAD:	Caniatâd Arbennig
PWRPAS YR ADRODDIAD:	Hysbysu'r Pwyllgor Safonau am ganlyniad unrhyw geisiadau am ganiatâd arbennig a dderbyniwyd ers yr adroddiad ysgrifenedig diwethaf i'r Pwyllgor Safonau
ADRODDIAD GAN:	Lynn Ball Cyfarwyddwr Swyddogaeth (Busnes y Cyngor) / Swyddog Monitro lbxcs@anglesey.gov.uk 01248 752586
SWYDDOG CYSWLLT:	Lynn Ball Cyfarwyddwr Swyddogaeth (Busnes y Cyngor) / Swyddog Monitro lbxcs@anglesey.gov.uk 01248 752586

1. CYFLWYNIAD

Os oes gan gynghorydd sir/cynghorydd tref/cymuned ddiddordeb sy'n rhagfarnu mewn mater sy'n cael ei ystyried gan eu hawdurdod, mae'n ofynnol dan y cod ymddygiad fod y diddordeb yn cael ei ddatgan/gofrestru a bod yr aelod yn gadael y cyfarfod a ddim yn cymryd rhan yn y drafodaeth nac yn dylanwadu ar y penderfyniad(au).

Mae'r cod ymddygiad yn ymgorffori "caniatâd arbennig" o dan rai amgylchiadau cyfyngedig a restrir ym mharagraff [12\(2\) y cod](#).

Yn ogystal, os nad yw paragraff 12(2) y Cod o gymorth, yna mae gan y Pwyllgor Safonau'r disgresiwn i roi caniatâd arbennig i aelod, o dan amgylchiadau penodol, sy'n cael eu rhestru mewn rheoliadau statudol.

Os yw'n cael ei ganiatáu, mae'r caniatâd arbennig yn goresgyn elfen ragfarnus y diddordeb (hynny yw'r rhagfarn neu'r rhagfarn ymddangosiadol) a bydd yn galluogi'r aelod i gymryd rhan yn y mater; efallai y bydd cyfyngiad ar gyfraniad yr aelod ac fe roddir y caniatâd am gyfnod penodol o amser.

2. CEFNDIR

Er mwyn cynorthwyo aelodau i ddefnyddio'r broses caniatâd arbennig pryd bynnag y bo'n briodol, ac mor effeithiol â phosib, mae'r Pwyllgor Safonau wedi cyhoeddi [Nodyn](#)

[o Gyngor ac Arweiniad](#). Yn ogystal, rhoddwyd gwybodaeth i glercod cynghorau tref a chymuned am y posibilrwydd o dderbyn caniatâd arbennig mewn e-bost wedi ei ddyddio 6^{ed} Mawrth 2017.

Yn aml mae angen caniatâd arbennig ar fyr rybudd, ac o fewn cyfnod o rybudd cyfreithiol lleiaf posib, ac oherwydd hynny mae'r Pwyllgor Safonau wedi sefydlu trefn lle y gellir galw ar Banel o dri aelod i ddelio ag unrhyw gais a dderbynnir rhwng cyfarfodydd y Pwyllgor llawn. Gall unrhyw dri aelod annibynnol / Cyngor Sir gynnal gwrandawriad i geisiadau a dderbynnir gan gynghorwyr sir (gyda mwyafrif o aelodau annibynnol) a chynhelir gwrandawriad i geisiadau gan gynghorwyr tref/cymuned gan aelodau annibynnol ac aelodau cyngor tref/cymuned (gyda mwyafrif o aelodau annibynnol).

3. CEISIADAU A DDERBYNIWYD ERS YR ADRODDIAD DIWETHAF

3.1 Gwrandawriad y Panel Caniatâd Arbennig ar 12 Tachwedd 2021

3.1.1 [Cynhaliwyd gwrandawriad o'r Panel Caniatâd Arbennig yn rhithiol ar 12 Tachwedd 2021](#) i ystyried y cais gan 7 aelod o'r Pwyllgor Gwaith mewn perthynas â'r Strategaeth Ddigidol ar gyfer Ysgolion Ynys Môn a Chwmni Cynnal Cyf. Ystyriwyd y mater fel caniatâd bloc.

3.1.2 Ynghlwm yn **Atodiad 1** mae'r cofnodion drafft o'r Panel Caniatâd Arbennig.

3.1.3 Penderfynodd y Panel roi caniatâd arbennig i'r holl Gynghorwyr a enwyd a oedd wedi gwneud cais am ganiatâd arbennig ar y telerau canlynol:

- ysgrifennu at swyddogion [a / neu'r Pwyllgor Gwaith / Pwyllgor / Cyngor] am y mater;
- siarad â swyddogion y Cyngor am y mater [~~ym mhresenoldeb dau berson arall~~] nad ydynt yn Ymddiriedolwyr nac yn Aelodau o Fwrdd Cwmni Cynnal, ar yr amod y cymerir nodyn o unrhyw drafodaethau o'r fath;
- siarad yng nghyfarfodydd y Pwyllgor Gwaith / Pwyllgor / Cyngor ac ateb unrhyw gwestiynau am y mater;
- aros yn yr ystafell yn ystod unrhyw drafodaeth / pleidlais ar y mater (ar gael os oes gan yr Aelod anabledd);
- pleidleisio mewn cyfarfodydd o'r fath;
- cymryd rhan lawn mewn unrhyw gyfarfodydd cyhoeddus a chyfarfodydd unrhyw gyrrff allanol ac ati.
- bydd y caniatâd a roddwyd yn dod i ben ar 9^{fed} Mai 2022

3.1.4 Rhoddwyd y caniatâd arbennig ar sail seiliau statudol (a) a (b).

4. ARGYMHELLIAD

4.1 Bod y Pwyllgor yn nodi'r caniatâd arbennig a roddwyd a'r sail a'r amgylchiadau dros eu caniatáu.

PANEL CANIATÂD ARBENNIG (Y PWYLLGOR SAFONAU)

Cofnodion y cyfarfod a gynhaliwyd ar 12 Tachwedd 2021

PRESENNOL: Aelodau Annibynnol

Mr John R Jones (Cadeirydd)
Dr Thomas Rhys Davies (Is-gadeirydd)
Mrs Gill Murgatroyd

WRTH LAW: Cyfarwyddwr Swyddogaeth (Busnes y Cyngor)/Swyddog
Monitro
Swyddog Pwyllgor (SC)

YMDDIHEURIADAU: Dim

Croesawodd y Cadeirydd bawb a oedd yn bresennol i gyfarfod rhithwir o'r Panel Caniatâd Arbennig.

1. DATGAN DIDDORDEB

Ni dderbyniwyd yr un datganiad o ddiddordeb.

2. CAU ALLAN Y WASG A'R CYHOEDD

Ystyriwyd a **PHENDERFYNWDYD** o dan Adran 100(A)(4) o Ddeddf Llywodraeth Leol 1972, cau allan y wasg a'r cyhoedd o'r cyfarfod yn ystod y drafodaeth ar yr eitem a ganlyn oherwydd gallai olygu datgelu gwybodaeth eithriedig fel y'i diffinnir ym mharagraff 12A, Rhan 1 o Atodlen 12A i'r Ddeddf honno, a'r Prawf Budd y Cyhoedd a gyflwynwyd.

3. YSTYRIED CAIS AM GANIATÂD ARBENNIG

Adroddodd y Cyfarwyddwr Swyddogaeth (Busnes y Cyngor)/Swyddog Monitro bod saith Aelod o'r Pwyllgor Gwaith wedi cyflwyno cais ar y cyd i oresgyn diddordeb personol mewn perthynas â "Strategaeth Ddigidol Ysgolion Ynys Môn a Chwmni Cynnal Cyf."

Roedd y cais yn nodi'r busnes yr oedd yr Aelodau'n dymuno cymryd rhan ynddo, a'r math o ganiatâd arbennig a geisiwyd, a'r sail statudol dros wneud y cais.

Ar ôl derbyn cyngor gan y Cyfarwyddwr Swyddogaeth (Busnes y Cyngor)/Swyddog Monitro, daeth y Panel i'r casgliad a ganlyn:-

1. Bod y diddordeb gyfystyr â diddordeb personol yn unol â'r diffiniad yn y Côt Ymddygiad/Canllawiau'r Ombwdsmon.

2. Mae'r diddordeb yn un sy'n rhagfarnu yn unol â'r ystyr yn y Côd Ymddygiad.
3. Nid oes unrhyw "ganiatâd arbennig" yn y Côd Ymddygiad a fyddai'n caniatáu i'r Ymgeiswyr gymryd rhan.
4. Byddai'r Ymgeiswyr yn cael eu hatal rhag cymryd rhan/gwneud penderfyniadau a ni fyddent yn gallu cyflawni un o swyddogaethau'r Pwyllgor Gwaith.
5. O'r herwydd, ni fyddai modd i'r Pwyllgor Gwaith sicrhau cworwm oni roddir caniatâd arbennig.
6. Rhoddwyd caniatâd arbennig i bob un o'r saith ymgeisydd.

PENDERFYNWYD rhoi Caniatâd Arbennig i bob un o'r saith ymgeisydd yn unol â'r geiriad a ganlyn, i:-

- ysgrifennu at swyddogion [a/neu'r Pwyllgor Gwaith/Pwyllgor/Cyngor] am y mater;
- siarad â swyddogion y Cyngor am y mater, nad ydynt yn Ymddiriedolwyr neu'n Aelodau o Fwrdd Cwmni Cynnal Cyf., ar yr amod y cedwir cofnod o unrhyw drafodaethau o'r fath;
- siarad yng nghyfarfod y Pwyllgor Gwaith/Pwyllgor/Cyngor ac ateb unrhyw gwestiynau am y mater;
- aros yn yr ystafell yn ystod unrhyw drafodaeth/bleidlais ar y mater (ar gael os oes gan Aelod anallu);
- pleidleisio mewn cyfarfodydd o'r fath;
- ymgymryd â rôl lawn mewn unrhyw gyfarfodydd cyhoeddus a chyfarfodydd unrhyw gyrff allanol;
- daw'r caniatâd a roddwyd fel hyn i ben ar 9 Mai 2022.

Nodwyd bod rhaid i'r Aelodau y rhoddwyd caniatâd arbennig iddynt ddatgan eu diddordebau personol sy'n rhagfarnu, a'r ffaith eu bod wedi derbyn caniatâd arbennig gan y Pwyllgor Safonau, ym mhob cyfarfod perthnasol pan fyddant yn trafod a/neu'n pleidleisio mewn cyfarfodydd.

Rhoddir y caniatâd arbennig o dan Baragraff 81(4) o Ddeddf Llywodraeth Leol 2000 ar y sail a ganlyn:-

- "Os oes gan ddim llai na hanner aelodau'r awdurdod perthnasol, neu hanner aelodau bwyllgor yr awdurdod y mae'r busnes i gael ei ystyried ganddo, ddiddordeb sy'n berthnasol i'r busnes hwnnw".
- "Os oes gan ddim llai na hanner aelodau gweithrediaeth arweinydd a chabinet y mae'r busnes i gael ei ystyried ganddo ddiddordeb sy'n berthnasol i'r busnes hwnnw a bod naill ai paragraff (d) neu (e) hefyd yn gymwys".

Gweithredoedd:

Bydd y Cyfarwyddwr Swyddogaeth (Busnes y Cyngor)/Swyddog Monitro yn:-

- Ysgrifennu at y saith aelod o Gyngor Sir Ynys Môn a enwir yn y cais, gan gadarnhau penderfyniad y Panel i roi caniatâd arbennig ar y cyd; sydd yn caniatáu i bob aelod ysgrifennu, siarad a phleidleisio ar bob mater yn gysylltiedig â'r busnes hwnnw.
- Rhoi gwybod i'r Pennaeth Gwasanaethau Democrataidd bod caniatad arbennig wedi'i roi.
- Adrodd i'r Pwyllgor Safonau ynghylch y defnydd a wnaed o'r caniatad arbennig.

Daeth y cyfarfod i ben am 10.25 am

**MR JOHN R JONES
CADEIRYDD**